

آبونه اولمق ایستینلردا اثره عدلیه ده
اداره مخصوصه سنه مراجعت
ایتملدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

فکرانک

سنه لکی در سعادت ایچون مجیدیه
یکرمی غروش حسابله التمش
غروشدر

طشمره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توجیهات

وظیفه مودوعه سنی حسن ایفاده اقدام وغیرتی
کوریلان لوله برغوس قضاسی بدایت محکمه سی رئیس
عزتلو عثمان افندی به رتبه نانیه صنف ثانسی توجیه
بیورلمشدر.

تبدیلات

شعبان افندیکنک اشخاص معلومه علیهنده اقامه
ایلدیکی سرقت ویتاقلق دعواسندن دولای محلی
بدایت محکمه سنجه مظنونلرک افعال مذکوره به
جرا تلمری ثابت اوله رق محکوم اولمشلر ایکن
یوز اون غروشدر عبارت اولان مصارف محاکمه کنک
کندوسندن ارا تلمقده اولدیغندن شکایت ایتسی اوزرینه
جریان ایدن مخابره نی شامل اولان اوراق انجمن
عدلیه به لدی الحواله اشخاص مرقومه دن یتاقلق فعلنده
بولندیغنی ادعا اولنان کوش اوغلی ابراهیمک محکومیتنی
متضمن اولان اعلام ابتدائی علیهنده استیناف دعواسنه
قیام ایدرک اولباده اجرا قلنان تدقیقات استینافیه
نتیجه سنده استحصال برأت ایتش اولمسندن ناشی
مستألف علیه صفتیه بو محاکمه ده حاضر بولنش اولان
مشکی شعبان افندی مصارف محاکمه استینافیه اولمق
اوزره سالف الذکر یوزاون غروشک تأدیه سیله محکوم
اولمش وکسب قطعیت ایدن اشبو حکم اعلامک صور
محرره نی ناطق اولان مندرجاتنه نظراً مرقوم ابراهیمه
قارشو استینافاً حقسز چقمش اولان مدعی شخصی
مومی الیهک مذکور مصارف محاکمه نی تسویه به مجبوریتی
طبیعی بولنش اولدیغندن ملفوف اعلامک اعاده سیله
برابر بوجهته متفرع اولان فقره حکمیه سی دائره سنده
معامله ایفاسنک جواباً ایجاب ایدنلره تبدیلی تذکر
قلنمشدر.

محاکمات و مقدمات

محکمه تمیز استدعا دائره سنندن تنظیم واعطا
قلنان اعلامدر:

ارضروم ولایتی بدایت واستیناف محکمه لری جزا
دائره لرندن لاحق اولان قرارلرک یکدیگرینه مابین
اولمسندن دولای تعیین مرجع دعوی طلبی مستدعی
ولایت مذکوره استیناف محکمه سی مدعی عمومیلکی
طرفندن ویریلان ۶ شباط سنه ۳۲۱ تاریخی استدعا
نامه واوراق متفرعه سی باش مدعی عمومیلک مأموریت
بهیه سنک ۱۱ مارت سنه ۳۲۲ تاریخی تبلیغنامه سیله
محکمه تمیز استدعا دائره سننه تودیع اولمقله قرائت
ومطالعه اولندی.

اوراق مرقومه مائلرینه نظراً طیار بکنزاده ایرم
بکی ضرب وکندوسنه تشهیر سلاح ایللرندن دولای مظنون
علیها اولان حافظ احمد اوغللری حاجی محمد و عثمان
حققرنده بدایت و غیاباً واعترضاً اجرا قلنان محاکمه ده
اونزکون مدتله حبسلرینه دائر ویریلان قرارلرک استیناف
ایلمسی اوزرینه جریان ایدن محاکمه استینافیه ده
استیناف استدعاسی مدت اعتراض ظرفنده اعطا
ایلدیکی اکلاشلمش اولدیغندن بحثله مذکور استیناف
استدعاسی اعتراض استدعاسی مقامنه قائم اولمق اوزره
قبولیه اعتراضاً محاکمه لرینک اجراسی ضمننده دعوانک
بدایت محکمه سنه اعاده سنه قرار ویرلمش و بدایت
محکمه سنجه دخی دعوی مذکوره اعتراضاً دخی
رؤیت ایدلمش اولدیغنی جهتله تکرار اعتراضاً رؤیتی
غیر جائز بولنش اولدیغنی بیسانیه اوراق دعوانک
استیناف محکمه سنه تودیغه قرار ویرلمش وشو صورتله
بدایت واستیناف محکمه لری مقرراتی بیننده حاصل
اولان اختلافک تعیین مرجع صورتیه فصلی محکمه
تمیزه عائد بولنش اولدیغندن بحثله مقتضای قانونینسک
ایفاسی بیان واستدعا ومارالذکر تبلیغنامه ده دخی
محکمه استینافک قرارنده استیناف استدعاسنک اعترا
ضنامه مقامنه قائم عد ایلمسی بر صراحت قانونیه به

مستند اولمادیغنی کبی محاکمه جاریه ابتدائیه به نظراً
استیناف محکمه سنک قراری مغایر اصول وقانون
کورلمش اولدیغندن نقضی لازم کله جکی انبا ایدلمشدر.
ایجابی لدی المذاکره اولجه بدایت محکمه سنجه
اعتراضاً دخی محاکمه سبق ایتش اولدیغنی حالده
استینافاً تدقیق ایدلیدی اثنا ده بو جهت کورلیه رک
ذهولاً استیناف استدعاسنک اعتراض استدعاسی
مقامنده قبول اولمق واعترضاً رؤیت ایدلمک اوزره
اوراقک بدایت محکمه سنه اعاده سنه قرار ویرلمش
اولمسی یولسر ومخالف قانون اولدیغندن اصول محاکمات
جزائیه قانوننک درتیوز اون سکرنجی ماده سی حکمنه
توفیقاً محکمه استینافیه جه استینافاً رؤیت دعوی اولمق
اوزره اوراق مرقومه کنک محله اعاده سنه ۲۲ مارت
سنه ۳۲۲ تاریخنده متفقاً قرار ویرلیدی.

محکمه تمیز هیئت عمومیه سنندن تنظیم واعطا
اولنان اعلامدر:

ازمیرده چقور خاندن مقیم تجاردن اونیک اغازاریان
ایله ازمیرده شیشه جیلر ایچنده ساکن صراف ژان
طپوز بیننده متحدث دعوا به دائر آیدین ولایتی استیناف
محکمه سنندن ۲۸ حزیران سنه ۳۲۱ تاریخی واون درت
عددی ایله ویریلان اعلامک تصدیقنی حاوی محکمه تمیز
هیئت عمومیه سنندن لاحق اولان ۲۶ نیشان سنه ۳۲۲
تاریخی ویوز التمش عددی اعلام علیهنده مرقوم
اونیک اغا زاریان طرفندن اعطا قلنان تصحیح قرار
عرضالنک زیرده محرر اسبابدن طولای قبولی وبش
لیرا جزای تقدینک مستدعی تصحیح رد واعاده سی
قرارگیر اولدقدن صکره اعلام مذکور اوراق
متفرعه سیله برلشدیریلرک هیئت مشارالیه جه بالمطالعه
بتکرار تدقیقات تمیزیه اجراسنه ابتدار قلندی.
تصحیحی طلب اولنان اعلام مذکورک مندرجاتنه
نظراً مرقومان اونیک وژان طپوز بینلرنده ازمیرده
قارشو یقه ده واقع معلوم الحدود بر قطعه عرصه کنک
تصرفندن منبعث دعوا به دائر ازمیر بدایت محکمه سننده

سبق ایدن محاکمه نتیجه سنده مذکور عرصه متوفی کرقور جانبندن حال حیانتنده مرقوم اونیکه بدل مقبوض مقابلنده فراغ ایدلیدی ابراز ایدیلان سند ومحل مختاراندن مصدق فراغ علم وخبری مندرجاتی وانی مؤید اولهرق استماع ایدیلان شاهدلرک شهاداتی ومذکور محاکم ایدم دونمندن دون وقصبه داخلنده وبدل عشره مربوط بولندینی میرز دفترخاقانی سندی مآلیله تحقّق ایدرک اراضی قانوننامه هاپونک ایکنجی مادهسی حکمنه توفیقاً اراضی ملوککدن معدودبولنش اولدیغندن مرقوم کرقورک ورتهسنگ مذکور عرصه نك مرقوم اونیک نامنه معامله فراغیه سنی اجرایه مجبوریلرینه قرارورلدیکی اولجه جریان ایدن محاکمه ابراز ایدیلان اعلام مندرجاتندن اکلشیهرق مومی الیه ژان طپوزک مذکور عرصه به مداخله سنگ منعه دائوریریلان اعلام علیهنده مرقوم ژان طپوز طرفندن اعتراض الغیر طاری صورتیه درمیان اولان اعتراض تنک قبول ویا ردی حقتنده برقرار ویرلمکسزین دعوائک اساسنه کیریشیلرک منع مداخله سنه قرار ویرلمی مغایر قانون اولدیغندن عندالاستیناف حکم ابتدائیک فسخیه مرقوم ژان طپوز جانبندن درمیان قلنان اعتراض طاری قبول اولهرق نقصان واقع اکل ایدلکدن صکره جریان ایدن محاکمه و تدقیقات الاستینافیه نتیجه سنده اعلام معترض به مندرجانندن مستبان اولدینی اوزره متوفای مرقوم کرقورک مدعا به عرصه مرقوم اونیکه واقع اولان فراغی مأمورینک اذنه اقران ایتماش ومأمورینک اذنی منضم اولیلان اراضی فراغری معتبر اوله میجنی وفارغک وفاتنده اورتهسنه انتقال ایدهجکی اراضی قانونسنگ اوتوز التیجی وارضی امیریہ متصرفلندن برینک وفاتنده عهدسنده بولنان اراضی اولاولادینه انتقال ایدهجکی واولادی وار ایکن زوجه سنه اراضی سندن نسته اصابت ایتیهجکی اراضی امیریہ نك توسیع انتقاله دائر اولان نظامنامه نك برنجی مادهسی ایجابندن بولندینه واعلام مستأنف بهک بادی صدوری اولان اعلام معترض به متوفای مرقومک بوخصوصه خصم صحیح اوله میان زوجیه سیله جریان ایدن محاکمه اوزرینه اعطا قلنش اولسنه کوره بدایه مدعی بولنان مستأنف ژان طپوز علیه سنده اوله میجنی درکار ومدعا به محل متوفای مرقوم کرقورک اصحاب انتقاله بعدالانتقال انار طرفندن ژان طپوزه مأمورینک انضمام رأیله فراغ ایدلش اولدینی میرز دفترخاقانی سندیه مستبان اولوب بوده اعلام معترض بهک جرح وابطاننه سبب قانونی بولندینی حالده محکمه مذکورجه اسباب قانونیه درمیان ایدلهمدیکی بیانیله حکم سابق مذکورک سند اتخاذیه برنموال محرر مرقوم ژان طپوزک دعواسنگ

ردیه سندلرینک ابطاله قرار ویرلمی یولسر ومغایر قانون اولدینه بناء اصول محاکمه حقوقیه قانونسنگ یوز طقسان التیجی مادهسنگ فقره اخیره سی حکمنه توفیقاً اعلام مذکورک فسخه وقانون مزبورک یوز التمش طقوزنجی مادهسی موجبجه معترض به اولان اعلامک جرح وابطاننه و مرقوم اونیک متوفی کرقوردن ادعا ودرمیان ایتدیکی فراغک بروجه محرر مأمورینک اذنه اقران ایتماش اولدینی جهته مذکور اوتوز التیجی ماده موجبجه معتبر اولدیغندن مرقوم اونیک بدلندن طولانی دیلهدیکی حالده لازم کلنله مراجعت ایتک اوزره محل مدعا به مذکور حقتنده کی ادعاسنگ ردینه دائر ویریلان اعلام استینافینک عندالتمیز تصدیق حقتنده لاحق اولان اعلام علیهنده مرقوم اونیک اغا زاریانک اعطا ایدلیدی تصحیح قرار عرئخالنده درمیان ایدلیدی اعتراضات تمیزاً لدی-التدقیق مرقوم ژان طپوزک علیه اعتراض ایتدیکی حکم واعلامک حقوق وصدورنده مدعا به عرصه اوزرنده برکونه حق اولدینی حالده اعطا ایتش اولدینی اعتراض الغیر استدعاسنگ قبول ایدلیدی یولسر ومغایر قانون اولدیغندن طولانی اعلام مذکورک بو نقطه نك تصحیحاً نقض واعاده قلمسی اوزرینه جریان ایدن محاکمه و تدقیقات نتیجه سنده مرقوم ژان طپوزک منازع فی عرصه مرقوم حق انتقاله نائل ورته نك تفرغ ایتدیکی اعلام سابقده مندرج دفتر خاقانی سندیه ثابت اولسنه نظراً مذکور عرصه اوزرنده حقوق درکار بولندیغندن مرقوم اونیکه کالاول رد واعاده سنه قرار ویرلمک صورتیه حکم سابق استینافیه ثابت واصرار اولمنسه حکمدن عبارت اولان اعلام استیناف علیهنده مرقوم اونیک طرفندن اعطا اولنان لایحه تمیزیه مدعا به عرصه مقدما محلی مختاراتی واختیار مجلسی طرفلندن ویرلش علم وخبر وشهادتنامه رسمی به بناء متوفای مرقومدن حال حیانتده کندوسی تفرغ ایدرک تسلیم وتسلم معامله سی اجرا ایدلکدن صکره بیع واقعه حکمسز وغیر معتبر عدلیه خصمی ورته مرقومه طرفندن اخیراً وقوعبولان فراغک محتته حکم اولمنسی ومرقوم ژان طپوزک مذکور عرصه حقتنده یدنده اولوب کسب قطعیت ایتش اولان اعلام علیهنده مرتب ومواضع اولهرق اعتراض طاری صورتیه اعتراض ایتسی ومذکور عرصه اراضی قانونسنگ ایکنجی مادهسی موجبجه اراضی ملوککدن معدود اولدینی حالده عندالاستیناف بوجهت لک دریش ایدلیرک حکم سابق منقوضه ثابت واصرار ایدلشی مغایر قانون اولدینی بیانیله اعلام مذکورک قضی استدعا ایدلیدی ودائرجه اعلام مذکورک تصدیق ایدلیدی اکلشلمشدر.

ایجابی مذاکره اولندقد مرقوم اونیک اغا زاریان طرفندن اعطا قلنان تصحیح قرار عرئخالده منازع فی عرصه حقتنده ورته متوفی علیه استحصا ایدیلان اعلامه مرقوم ژان طپوزک اعتراضه صلاحیتی اولدینه دائر اولان هیئت خصوصیه قرارینه منافی اولهرق هیئت عمومیه جه حق اعتراضی اولدینه قرار ویرلمی مغایر قانون اولدینی بیان ایدلش وفی الحقیقه عرصه منازع فیها حقتنده ورته علیه استحصا اولنان اعلامه مرقوم ژان طپوزک اعتراض الغیره صلاحیت قانونیه سی اولدینی وتمیز حقوق دائره سنجه بو یوله اتخاذ ایدیلان قرار موافق قانون بولندینی حالده هیئت عمومیه جه بولندن ذهول اولهرق حق اعتراضی اولدینه دائر اولان وقرار سابقده اصراری متضمن بولنان اعلام استینافینک تصدیقده اصابت قانونیه اولدینی بالتدقیق اکلشلمش اولسنه بناء اصول محاکمه حقوقیه قانونسنگ ایکن یوز الی اوجنجی مادهسی موجبجه عرئحال مذکورک قبولیه قانون مزبورک ایکن یوز اوتوز ایکنجی مادهسی حکمنه توفیقاً اعلام اخیر استینافینک قضیه قانون مزبورک ایکن یوز قرق دردننجی مادهسنگ فقره اولاسی موجبجه کیفیت تکراربالرؤیه اعلامه ربطی ضمتنده محکمه مذکوریه اعاده سنه ودائر اعلامک دخی شو صورته اصلاح حکمنه واول واکر مستدعی تمیز طرفندن ایضا قلنان اوجیوز اونیش یق غروش مصارف تمیزیه نك ایلروده حقسز چیقه جق طرفه عائد اولسنه ۱۹ نيسان سنه ۳۲۳ تاریخده هیئت عمومیه جه اکثریت آرایله قرارورلدی

مخالفات ابتدائیه

ترجان قضای بدایت محکمه سی اعضای سابقه سندن مصطفی ومستطق معاونی درویش اقدیلرک وظیفه مأموریت لرجه تحقّق ایدن سوء معامله لرندن ناشی اجرای محاکم لری خصوصه عدلیه نظارت جایله سندن مأذونیت اعطا وارضروم ولایتی استیناف محکمه سی مدعی عمومیلکده تبلیغات لازمه اجرا ایدلشدر .

اعلانات

درمعات استیناف مدعی عمریلکندنه :

قصداً ایقاع حریق مجاسرت ایدلکاری ادعاسیله مظنون علیهما اولوب غیرموقوف بولنان اوزون بولی ، قرال صاج وقاش وبقی ، الاکوزلی ، کمر برونی ، متناسب آلین واغز وچکلی ، عادتا بکزی ، قوریمجه یوزلی اوتوز ایکن باشند بواجی کوبنده متصرف اولدینی خانه ده ساکن وغلطه ده خراججی زقاغنده

الفردونک یاننده اوشاقلق ایدن یورکی ولد آپوستول ایله اورته بولی ، سیاه صاج وقاش وآزبقلی ، وسیاه کوزلی ، عادتا بکزی ، آجق آلینی ، متناسب آغز بورونی ، عادتاچهره لی ک اوغلنده قالیونجی قوللغنده شکفور زقاغنده برنومرولی آپوستولیدی قالفه نك آپارتماننده برنومروده ساکن وغلطه ده خراججی زقاغنده برنومرولی مغازه ده ترزلیک ایله مشغول یکریمی یدی باشند بولان دولتی تبعه سندن آفرود ولد دیمترینک اصول محاکات جزایه قانونک مواد مخصوصه سی احکامه توفیقاً جنایت محکمه سنده محاکم لری اجرا قلنق اوزره قانون جزانک یوز التمش اوجنجی مادهسی موجبجه جنایتله اتهام لرینه قرار ویرلیدکندن متمان مرقومانک هر زده کوریلورلایسه طویلوب محکمه مذکور توفیخاننه تسلیم لری لازم کلهجکی بالجه ضابطه عدلیه مأمورلرینک معلومی اولق اوزره اشبو اخذوکرت مذکره سی درسعادت هیئت اتهامیه سندن بالتظلم اعطا قلندی .

بوغا زایچنده صاری یار اوستنده برکلبده بالمنازعه محمدی جرح وقل ایدلکاری ادعاسیله مظنون علیهمدن اولوب بیوکدرده کتابجی علی بکک باغنده باغچلیک ایتکده ایکن وقعه یی متعاقب فرار ایتش اولان عزیزک اصول محاکات جزایه قانونک مواد مخصوصه سی احکامه توفیقاً موقوف بولنان رفیق لرله برلکده جنایت محکمه سنده محاکم لری اجرا قلنق اوزره قانون جزانک یوز یشش دردننجی مادهسی موجبجه جنایتله اتهامه قرار ویرلیدکندن متمان مرقومک هر زده کوریلور ایسه طویلوب محکمه مذکور توفیخاننه تسلیمی لازم کلهجکی بالجه ضابطه عدلیه مأمورلرینک معلومی اولق اوزره اشبو اخذ وکرت مذکره سی درسعادت هیئت اتهامیه سندن بالتظلم اعطا قلندی .

نجات بریه محکمه سنده :

استانبولده محمود باشا جوارنده جورایجی خانی الصالده ۵۱ نومرولی مغازه ده ساکن ایکن تجارت بحریه محکمه سندن افلاسه حکم اولنش اولان مانفاطوره تجارتندرونیک آریانک خصوصات افلاسه سنگ رؤیت وتسویه سی ضمتنده دعوی وکیللرندن عثمان طلعت ورسائی بکتر اصالة سندیک تعیین قلنش اولدقلرندن مفلس مرقوم ذمتنده آلهجینی اولانلرک قانوننامه تجارت ۱۹۹ و ۲۰۰ نجی ماده لری موجبجه تحقّق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایللری ومدت مذکور ختامندن صکره اوج کونده یعنی ۳۲۳ سنه سی تموزینک یکریمی برنجی جمعی ایتسی ویکریمی اوجنجی بازار ایتسی ویکریمی دردننجی صالی کولری تجارت بحریه محکمه سنگ مصالح افلاسه رؤیته مخصوص اوطه سنه کلهرک سندیک اقدی مواجهه سنده آلهجق لرخی اثبات وقید وتصدیق

مذکور ختامندن صکره اوج کونده یعنی ۳۲۳ سنه سی تموزینک یکریمی برنجی جمعی ایتسی ویکریمی اوجنجی بازار ایتسی ویکریمی دردننجی صالی کولری تجارت بحریه محکمه سنگ مصالح افلاسه رؤیته مخصوص اوطه سنه کلهرک سندیک اقدیلر مواجهه سنده آلهجق لرخی اثبات وقید وتصدیق ایتدیرملری ومدت مذکورده اثبات وجود ایده میان آلهجق لور حقتده قانون مذکورک ۲۱۰ نجی ماده سنه توفیقاً ایضای معامله اولهجنی اعلان اولنور .

غلطه ده عرب جامی حوارنده ساکن ایکن تجارت بحریه محکمه سندن افلاسه حکم اولنش اولان کور تجارتندن متوفی علی حیدر اقدینک خصوصات افلاسه سنگ رؤیت وتسویه سی ضمتنده دعوی وکیللرندن یوسف کال ک ایله یادکار اوغلی باولاکی اقدی اصالة سندیک تعیین قلنش اولدقلرندن مفلس مرقوم ذمتنده آلهجینی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقّق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایللری ومدت مذکور ختامندن صکره اوج کونده یعنی ۳۲۳ سنه سی تموزینک یکریمی برنجی جمعی ایتسی ویکریمی اوجنجی بازار ایتسی ویکریمی دردننجی صالی کولری تجارت بحریه محکمه سنگ مصالح افلاسه رؤیته مخصوص اوطه سنه کلهرک سندیک اقدیلر مواجهه سنده آلهجق لرخی اثبات وقید وتصدیق ایتدیرملری ومدت مذکورده اثبات وجود ایده میان آلهجق لور حقتده قانون مذکورک ۲۱۰ نجی ماده سنه توفیقاً ایضای معامله اولهجنی اعلان اولنور .

درسعادتده بالق بازارنده نومروسز مغازه ده ساکن ایکن تجارت بحریه محکمه سندن افلاسه حکم اولنش اولان چکینا بیلیری شرکتک خصوصات افلاسه سنگ رؤیت وتسویه سی ضمتنده دعوی وکیلی یادکار اوغلی باولاکی اقدی اصالة سندیک تعیین قلنش اولدیغندن مفلس مرقوم ذمتنده آلهجینی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقّق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایللری ومدت مذکور ختامندن صکره اوج کونده یعنی ۳۲۳ سنه سی تموزینک یکریمی برنجی جمعی ایتسی ویکریمی اوجنجی بازار ایتسی ویکریمی دردننجی صالی کولری تجارت بحریه محکمه سنگ مصالح افلاسه رؤیته مخصوص اوطه سنه کلهرک سندیک اقدی مواجهه سنده آلهجق لرخی اثبات وقید وتصدیق

ایتدیرملری ومدت مذکورده اثبات وجود ایده میان آلهجق لور حقتده قانون مذکورک ۲۱۰ نجی ماده سنه توفیقاً ایضای معامله اولهجنی اعلان اولنور .

ایکنجی نجات محکمه سنده :

درسعادتده محمود باشا جوارنده محمد باشا خاننده مقیم قومیسونجی ابراهامیان برادرلرک ۲۶ حزیران سنه ۳۲۳ تاریخندن اعتباراً اعلان افلاسه و مصالح افلاسه نك رؤیت وتسویه سی ضمتنده اعضای محکمه دن عزتلو سانح بک ژوز قومیسر ودعوی وکیللرندن حسن خیری بکه ساموئیل انسطاشیادی اقدینک موقت سندیک تعیین لرینه ومغازه سیله اشایی زائده بیتیه سنگ تمهیرینه واوراق ودفاترینک جلبنه وکفالت مصدقه ارانه ایده مدیک تقدیرده حبس وتوقیفه وبوباده کی قرارک موقتاً اجرا سنه ایکنجی تجارت محکمه سنج قرار ویرلش اولدیغندن قانوننامه تجارتک ۱۷۰ نجی مادهسی موجبجه دائمی سندیکر انتخاب اولق اوزره اشبو ۳۲۳ سنه سی تموزینک اون برنجی چهارشنبه کونی ساعت الی راده لرنده اصحاب مطلوبک محکمه مذکورده مصالح افلاسه رؤیته مخصوص اوطه سنه کلاری اعلان اولنور .

درسعادتده محمود باشا ۱۲۴ نومرولی دکانه مقیم تحفه تجارتیه مشغول خرستو باربونیک ۱۴ حزیران سنه ۳۲۳ تاریخندن اعتباراً اعلان افلاسه و مصالح افلاسه نك رؤیت وتسویه سی ضمتنده اعضای محکمه دن عزتلو سانح بک ژوز قومیسر ودعوی وکیللرندن خالد ک ایله کل بابا واسیلاکی اقدینک موقت سندیک تعیین لرینه ومغازه سیله اشایی زائده بیتیه سنگ تمهیرینه واوراق ودفاترینک جلبنه وکفالت مصدقه ارانه ایده مدیک تقدیرده حبس وتوقیفه وبوباده کی قرارک موقتاً اجرا سنه ایکنجی تجارت محکمه سنج قرار ویرلش اولدیغندن قانوننامه تجارتک ۱۷۰ نجی مادهسی موجبجه دائمی سندیکر انتخاب اولق اوزره اشبو ۳۲۳ سنه سی تموزینک اوجنجی صالی کونی ساعت یدی راده لرنده اصحاب مطلوبک محکمه مذکورده مصالح افلاسه رؤیته مخصوص اوطه سنه کلاری اعلان اولنور .

محکمه نجات اجرا دائره سنده :

علی افانک ایکنجی حاجی ابراهیم اغا ذمتنده ایکنجی محکمه تجارت اعلامیه محکوم به مطلوبی اولان مبالغ معلومه نك تأمین استیفاسیچون مدیون مرقومک مالی اولوب فروخت اولهجنی مقدما اعلان

ایدلیدیکی حالدہ یوم آخره تعلیق قلنان اوچ رأس
صاعمال قریم اینکی تموزک طقوزنجی بازار ایرتسی
کونی طویخانهده سلیخخانه پیشکاهنده ساعت اوچده
بالمزایده فروخت اولنه جغندن اشتراسنه طالب اولانلرک
یوم ووقت مذکورده محل مزبورده حاضر بولملری
محکمه تجارت اجرا دائرهسندن اعلان اولنور .

درسمات اعمومات نظامه اجرا دائرهسندہ :

رسومات امانت جلیلهسنگ اشرف افندی ذمتده
آلاجنی اولان مبالغک تأمینی ایچون مومی الیهک عهده
تصرفنده اولوب حیز وفروختی قرارلشدیریلان
باب عالی جوارنده نعلی مسجد محلهسندہ واقع خانه
طقسان برکون مدته اجرا قلنان مزایده علیه
تیجیهسندہ ایرای عثمانی یوز غروش حسابیه الی بیک
بشیوز غروشدہ طالبی عهدهسندہ تقرر ایدرک قرار
قطعیسی کشیده قلمش ایسهده مومی الیه اشرف
افدینک وقوعوقاتیله ورتهسندن سینکلی بقال جوارنده
چفته فرونلرده مقیمان مخدومی محمدخلوصی افندی
ایله کریمهسی فاطمه خانمه تبلیغی لازمکالان صوک
اخبارنامه ظهرینه ویریلان شرحده بو نامده کیمسه
اولدینی وورتهسنگ محل اقامتی ایسه الیوم مجهول
بولندینی کوسترلمسه بناء صوک اخبارنامه مقامنه قائم
اولق اوزره تاریخ اعلاندن اعتباراً سکزکون ظرفنده
اثبات وجود ایدلیدیکی حالدہ محجوز سالف الذکر
خانهک بدل مذکور مقابلنده مشترسی عهدهسندہ
رضا وتقریرلرینه باقلمقبرین معامله فراغیه اجرا
قلنهجی حقنده دفتر خاقانی نظارت جلیلهسندہ اشعار
ایدیلهجکی درسمات اعلامات نظامیه اجرا دائرهسندن
اعلان اولنور .

فاطمه رفیقہ خانمک جلال افندی ذمتده محکومبه
آلهجنی اولان مبالغدن طولانی حکماً محجوز بولنان
آت بازارنده مغنیسالی محمدپاشا محلهسندہ جامع شریف
زقاغنده کائن تخمیناً یوز یکریمی آرشون عرصه
اوزرینه مبنی اوچ قاندن عبارت الی اوطه اوچ صفه
وبرمطبخ وبرقیو وتخمیناً یکریمی آرشون باغچینی
محتوی الی نومرولی برباب خانهک تمامی بالمزایده
ایرای عثمانی یوز غروش حسابیه اون ایکیلیک
غروشدہ طالبی عهدهسندہ تقرر ایدرک موقتاً
قراردادهسی کشیده قلمش اولدیغندن یوزده بش
ضم ایله طالب اولانلرک تاریخ اعلاندن اعتباراً نهایت
اوتوزبرکون ظرفنده درسمات اعلامات نظامیه
اجرا دائرهسندہ مراجعت ایتملی اعلان اولنور .

بک ارفی بابت محکمی اجرا دائرهسندہ :

بکر صدق افدینک امینه خانم ذمتده محکوم به
بقیه مطلوبی اولان مبالغ معلومهک تأمین استیفاسی
ضمننده مدیونه مزبوردهک پدری متوفی حاجی بیرام
قبودان نامنه مقید غلطده یلکنجیلر جادهسندہ یتیم
الی نومرولی مع اوطه دکان ایله فاتحده خواجه
خیرالدین محلهسندہ مالطه زقاغنده الی نومرولی
یورغانچی دکانی واستیهده دکرمان زقاغنده واقع
اوتوز درت نومرولی مع باغچه خانهدهکی انتقالاً
متصرفه اولدینی ربع حصه لری لدی المزایده مع اوطه
دکاندهکی حصه بشیوز ویورغانچی دکانی حصهسی
بیک الی مع باغچه خانهدهکی حصه شایعهسی بیک
غروش آلتون اچقه بدلر ایله طالبی عهدهسندہ تقرر
ایدرک موقت قرار دادهسی کشیده قلمش اولدیغندن
تاریخ اعلاندن اعتباراً اوتوز برکون ظرفنده لاقول
یوزده بش ضم ایله طالب اولانلرک یوزده اون
مقدارندهکی پی اچهلرینی مستصحباً بک اوغلی بدایت
محکمهسی اجرا دائرهسندہ مراجعت ایتملی ومدت
مذکوره ختامنده یعنی تموزک یکریمی یدنجی جمعه کونی
ساعت بشدن طقوزه قدر صوک مزایده علیه اجرا
وقرارداده قطعیسی کشیده اولتمق اوزره املاک مذکوره
پیشکاهنده مأمور مخصوصی مواجههسندہ حاضر
بولملری اعلان اولنور .

ماریه قادینک بقال قسطنطی ولد صاوا ذمتده
آلهجنی اولان مبالغ معلومهک تأمین استیفاسی ضمننده
مدیون مرقومک عهده تصرفنده ایکن وقوع وقاتیله
ورتهسی کریمه لری افروسنی واولیا والیساویتہ ارثاً
وعادياً انتقال ایدن فقط داینه مزبورده نامنه فراغ
بالوفا ایله مقید بولنان وفروختسه بک اوغلی بدایت
محکمهسی برنجی حقوق دائرهسی اعلامیه حکم وقرار
ویریلان باغچه قیوسنده شیخ محمدکیلانی محلهسندہ
امین اوکی جادهسندہ کائن طولاً یدی آرشون یکریمی
پارمق وعرضاً بش آرشون اون طقوز پارمق که
بحساب تربیعی قرق بش آرشون بش پارمق اوزرینه
مبنی فوقنده ایکی اوطه پی مشتمل طقوز نومرولی
برباب کارگیر دکانده حرمین محترمین کدکاتندن مناو
کدکنک یوز التمش سهم اعتباریه اوتوز درت تام
وسکسان یدی بحق سهملری لدی المزایده التیبیک
بشیوز غروش آلتون اچقه بدل ایله طالبی عهدهسندہ
تقرر ایدرک موقت قرار دادهسی کشیده قلمش
اولدیغندن اشبو تاریخ اعلاندن اعتباراً اوتوز برکون
ظرفنده لاقول یوزده بش ضم ایله طالب اولانلرک
یوزده اون نسبتدهکی دیپوزیتو اچهلرینی مستصحباً

بک اوغلی بدایت محکمهسی اجرا دائرهسندہ مراجعت
ایتملی ومدت مذکوره ختامنده یعنی شهر تموزک
یکریمی سکزنجی جمعه ایرتسی کونی ساعت سکز
راده لرنده محلدہ صوک مزایده علیه اجرا وقرارداده
قطعیسی کشیده قلمق اوزره سالف الیان املاک
مذکوره پیشکاهنده مأمور مخصوصی مواجههسندہ
حاضر بولملری اعلان اولنور .

اطنه تجارت محکمهسندہ :

قارصده مقیم حاجینی اغوب ودیقراں قره دهمیر
جیانک ۱۱ کانون ثانی سنه ۳۲۲ تاریخندن اعتباراً
اعلان افلاسنه ومصلح افلاسیهک رؤیت وتسویهسی
ضمننده اعضای محکمهدن رفعتلو پاندهلی افدینک
روژ قومیسر ودعوی وکیللرندن کریاقو افدینک
موقت سندیک تعینلرینه ومغازه لریله اشیای زائدہ
بیتیه لرینک تمهیرینه واوراق ودفاترینک جلبنه وكفالت
مصدقہ ارئه ایدمه دکریمی حالدہ حبس وتوقیفلرینه
وبو بادهکی قرارک موقتاً اجراسنه اطنه تجارت محکمه
سنجه قرار ویرلمش اولدیغندن قانوننامه تجارتک
۱۷۰ نجی مادهسی موجبجه دائمی سندیک انتخاب
اولتمق اوزره ۱۳۲۳ سنهسی حیزرانک اوتوزنجی
جمعه ایرتسی کونی ساعت الی راده لرنده اصحاب مطلوبک
محکمه مذکورهک مصلح افلاسیه رؤیتنه مخصوص
اوطهسندہ کلری اعلان اولنور .

کوملجنه تجارت محکمهسندہ

کوملجنهده طاووق بازارنده مقیم یورکی اوغلی
فرونجی دیمترینک مبدأ عجری بشقهجه تعین واعلام
اولتمق اوزره ۵ حیزران سنه ۲۲۳ تاریخنده موقتاً
اعلان افلاسنه ومصلح افلاسیهک رؤیت وتسویهسی
ضمننده اعضای موقتہدن حسن افدینک روژ قومیسر
ودعوی وکیللرندن روپن افدینک موقت سندینک
تعیننه وترك ایدلیدیکی تجارتکاهنده موجود اموالیله
خانهسندہکی اشیای زائدہسنگ تمهیرینه واوراق
دفاترینک جلبنه وكفالت قویه ابرازینه دکن کندوسنگ
موقتاً توقیفنه کوملجنه تجارت محکمهسندن قرار
ویرلمش اولدیغندن قانوننامه تجارتک یوز یتیمنجی
مادهسی موجبجه دائمی سندینک انتخاب اولتمق اوزره
اشبو بیک اوچ یوز یکریمی اوچ سنهسی تموزینک
یکریمی آلتیجی پنجشنبه کونی ساعت بش راده لرنده
اصحاب مطلوبک محکمه مذکوره کلری اعلان اولنور .